



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҲАДИБЕРҶА

СИ' ИВ ЯЛДЖАНА НОПОЙ' СЕРТАБИВА'

# Мэбета вадава" ила' панан' етри' мэква"! НЯРЪЯНА НЭРМ



№ 14 (5236)  
2025 по'  
апрель иры'  
5 яля

СУББОТА

Российская Федерация Ямало-Ненецкий автономный округ



Тагтама: А. Пяк тагтамы

Хайнолта  
няма тоңаш

6

## Иландо' нумгад пере



Сидянт': М. Яр' тагтавы'

Хардахана илена" ненэця" ядембада нумд саць маямби". Пивня ядэрць мыры" тэри сялкадарҕа". Маня" выҕгана вадёвэҕэ тарця маябцо нина" хамедамбю". Нюрте"э' иба нумгана ина" ядэрабцо" мюсерта ненэциена" нямна ханҕа". Пыдо' иландо' нум' хурка ҕэвахад пере.

Пихий" нувона" сидна" саць пысабтамби". Ты" саподана иры' пудана яляхана сырава" холка, сарё пи' ямбан' хамдомби. Харад" мырыхырт" холка", сехэры' ядхана хаёвы сыра тэри париде ҕонабты. Тэхэ"на мэна" ненэциена" тикым' вэва нумҕэ тасламбидо'. Ханя, тикахат тыто' ила пере. Хахаяда яля' вымна ҕэдалёрмым' Законодатель-

ной Собранияна" депутатм' Эдуард Яунгадм' лаханакурць ня"ҕадамзь. Пыда няни тарця вади хэтась:

–Тандая' Ямальской, Приуральской районхана мюсерта" ненэцие лаханако ня"ҕадамзь. Пыдо' ма"нисям", хахаяда по" тарця" нуво ни" тензеттембю". Няхар" юд' мян' по' тяхана таниявакы". Тюку по' саць мер' сарёҕэ хая. Тикар мюсерта ненэцие" илам' яҕгамдамбида. Пыдо' мале нерняҕы ялямдо' тасламбидо'. Вадидо' тодо" явна ханҕа". Ма"ним", сарё' пуд таминда тецьда" ладвы ҕэбато', саць вэва ҕэҕусь. Пыв' нумҕэ хэсь сыра (мырыда) ҕота ҕод" тыра". Ханяҕыдо' мале пуня" хэсь тасламбидо'. ҕанидо' ма"ним", саць мер' нида юдаҕу", тамна



сидя иры тания. Сие ниць иры-хына хад" ладыбаҕудо', яв' тяха' паромбаб", танияна ҕани' варё" яҕгода".

Ненэця" тыто' хэва" тедари' сава". Выҕгана нердена" варё" ҕадимья". Ты" тикыдо' нюракуць ҕыхы явна ханҕа". ҕодь сарё' пуд саць ҕарка тецьдаҕэ нёя хань". Теда' нуво хурка ҕэвахад тенева-на мутрына" саць ҕарка тецьдам' ни" ҕадимдембю". Тикы' нямна Максим Пирчикович Сэротэтто харта индя ядэрабцо тания: «Луца

мутра" ханяҕэхэна сияк" ҕэсь пэрҕа". Етри' няндо' пунрё ни тара"». Пыда невхы ирината тэвравы теневабцохо" ена. Хаерта хурка ҕэҕу, нумда мин ханяд миҕа, тикым' тэхэна мэб", сававна тенева серо"ҕа". ҕадьбьята Максим Пирчикович тенева" табекуда няд"мяць иламда, тыда нёда.

(Пеляда 2 стр. ҕа)

Марина Ярой' падвы

## Няръяна лабакм' минредо'

Ты" саполана иры' юкад вата сибимдей яляхана Ямалхадна" Победа' ненадумда"мам' – няръяна лабакм' Чукотка' ҕэсонд' ҕэдарадонзь. Танияҕы харда"мна вэнекохо"на, тэхэ"на ядэлавэ-донзь. Канчаланской я' няҕы ты пэртя"мана ҕадимдембавэдонзь.

Таддикахад тикы эстафетандо' сехэрэда тет нэрм явна вэҕгалы. Чукоткахад, Якутияхад Красноярской край' нямна Ямалхана" тэвраҕудо'. Тикы сехэрэндю' ямбадада 5,5 луца ҕэдалава' пир" ҕэдараха. Тэхэ"на, вэнекохо"на, еся

ханха"на, «Трэкол»ха"на минредо'. Тикахана теда' ява" лэтрамбава", ты пэртя", нядаҕгода", тодо" организация" тер" мэ". Знамям' Якутиян' ты" саполана иры' сидя ю" сибимдей яляхана тэвравэ-донзь. Танияна нюдяко" харда"мана ядэламахадандо' Красноярской край' ёльцянд' тэхэ"на тавэдонзь. Саяҕгардан' сие ниць иры' юкад вата матдомдей яляхана ҕэдалё тэвраванзь ваде"ҕадо'. Тэхэ"на, еся ханхана минреҕудо'.

Тюку пова" Россияна" тиҕгэвна ҕарка Победа', ява" лэтрамбади" ед' таславы. Хэбидя ялям' ҕа-

тевахана" сиднет ю" по" тяхана саю мардамава" тензибтембаҕува". Тикы' е"эмня «Арктическая эстафета Победы» нубета акциям' сертадонзь. Нэрм' тер" невхы сай-норми, харе" яханато' нядаҕговы" ненэцие" иле"ми теневава" е"эмня таславэдонзь.

Тарем' ҕарка Победа' ялям' ненэця" нидо' юрибаҕу". Нюхуто', нюто' нюху" вадетадо'. ҕавхы" тоенана" похо"на ҕэвы" иринато' иле"ми тенеҕудо'.

Руфина Окоэтто' падвы



80  
ПОБЕДА!

# Иландо' нумгад пере

(Нердена пеляда 1 стр. џа)

Тасу яв' няна Юрий Лапсуй тарем' мась: «Ѓоя' выџгана тедари' ёльце сенаси», нумда сава, ты пэрты' таџга». Салехард' ядхана сывандавы Александр Тайбери сарём', хадм' сававна манэ'џадась. Пыда вадавнанда тамна нумда ядембаб', тюку по' явм' мер' мадаџудо'.

Яра ирыхына Ямальской районхы Сёяха' выџгана сэрэд' нямна намдаваць. Таняна џобткы сарё' џэвыць. Мале џока вынхалуй' суюдо' хавыць. Яра ирыхына янд' ерв' нянд' тиртя џанохона тэворџаць. Та' мальџгана хасаваю' тонна комбикорм' пад тэвравыць. Тамна сидя ю' тоннам' хахаяда яля' џэдараџу'.

Надежда Константиновна Лаптандер, Хады-яха фактория' нямна мюсерта' вадавна серодо' сава'. Хаџгана тэдо' яџу. Яханандо' нумда ибемы, хаџгана таяб',

сую' џэрха'. «Ты' илева хэванда хурка џэвахад пере, џэрё' џаймы ты сэрэдм' мада пиртада. Небой понда тотрев' нарада ямб нихивабта џа», сэрэдм' таџга мадаџудо', – Надежда Константиновна лахана.

Самляџг по' тяхана яханандо' џарка сэрэд' џась. Та' мальџгана Сёяха', Тамбей' выџгана сэрдахад џани' џокавна тыдо' хавыць. Сиддо' џани' сававна нядаць. Комбикормдамдо' тэвраць, мерета еся хано тыдо' хавэхэ' миџаць.

Хэвы си'ив яляхана Тазовской районхана ерводо' вымна џэдалёрџаць. Пыдо' тыто' хадо' хурка џэвам' манэ'сарџаць. Тарем' таславэдо', ты пэрти' џэсыхы' комбикорм тэврамбаџу'. Тамна џарковна сэрдаџэ



Сидяџг: М. Яр' галтавы'



хэбата, мюсерта' ненэця' тикыдо' няд'маџэ мэтыдо'. Районханандо' ты пэрти' серо тидхалембада управлениянд' ервџэ тарана Прокопий Тэсида ма'нисяв: «Тед' мал' џэбана' вэва нумд пили' лэтёдава'. Тарабата, џани яџорэй' тиртя џанохона џэдалёртава».

Я' сяр' ниня хибяxарт нум' иримда ватоxонда нидась ха'авра'. Маня' џод' тэхэ'на мэ'наџэ илма' џани' няданда пере. Маси' нердена' таско' ёльцянд', хасуйвана џадимы' варё' џэсонд' тына' таџга хадырта'. Ёльцянда таль' нараџэ ни хант'.

Марина Ярой' падвы

## Мэбета' ныхыдырмы'

**Россия' тиџгы' тодо' яхат Люберцы маркана мэбета' ненэця' ма'лёвы'. Таняна ненадо пирдырмам' мэ'мы'. Луца вадавна мас-рестлинг' нубе'џа.**

Ты' саполана иры' 29-30 яля' «Триумф» сёбар' ненэцие' хардахана пирдырмы'. Тикы'

нямна Евгений Попов Московской областьхана мас-рестлинг' федерация џэвахана мэна вадамда мэ'мы: «Ѓокханда юркад вата самляџг ю' сёбар' ныхыдо' манэ'лабтаванзь турџаць. Пыдо' сидя юд' мян' я' тер'. Люберцы маркадана' юкад вата сиднет сёбар' ненэць' ныхымда хорпись».

Мас-рестлинг – Якутия' няна џадимы. Таняна илена' џэрм' тер' харто' невхы илаџгад теневана пирдырмадо'. 2003 похона џэрм' тер' пирдырма' тэнзџэ падвэдо'. 2017 похона – Россия' џардавна сёбар' пирдырмаџэ сертавэдо'.

Ханзер' ныхыдо' хорпи'? Сидя пирдырта џэхэнати' поџгананди' џэда пя латахад тархалё, џопой хэбицяко пям' ня'амба џамдаџуху', сидди' тасламбада ненэць' табедава' сер' хусувэй ныхыдырта ня'амбада пямда харта няюнда нэкалпа пяџгуда. Хибяюм' џудаха'на пякоцяди' хаи – тикыюм' нямда пирдаледа. Пякоцямди' сидя, ханяџэхэна няхар' мэва нэкалпиди'. Ненеховавна хусувэй пирдырта харта саџгомда пир' сёбарм' няць пирџа. Яна' тиџгэвна Ты пэрти' ялэ' мальџгана тарем' пирдыртина' џани' таясеты'.

Ѓопой, маня' яханана' мальцята, пибита ныхыдырцеты'.

Ямал' тер' џани' таян' џэдалёрмы'. Нермбэртядо' – Сёяха' тер Николай Окоэтэто. Нида савуць тарем' лаханавы: «Нини' ёльце пирџадо'. Ныхыдо' џока, мер' ни' выдараџг'. Тикы' хавна мал' невхы' паџгахатато' пере', иринато' ила' сехэрым' нёда».

Ямална' сёбар' няхар' ненадумда'мам' недвомы'. Едай-хасова Климов Панаевск' тер нябимдей ян' ха'амвы', 70 кг' пир' нита поџгана Россия' сборной команда' терџэ хэвы. Мэнако Окоэтэто Сёяха' тер 60 кг' пирувна саџговота' нита поџгад няхаромдэй ям' ханавы. Кирилл Няч Тазовской район' тер 65 кг' пир' поџгад џани' няхаромдэй ян' ха'амвы'.

Галина Окоэтэто' падвы



Сидяџг: maswrestlingru няд' ханавы'

# Сава сер'

Ямал' тигъвна Ты пэрти' хэбидя' яля' тамна миңа'. Нямыхы минда жока ва'лэй' сёбар' нубе намдава'. Тюку по' сабе варемдо' мэ'наць, тарана нуда' терм' мато'ман' харваць. Ханяңы' мядонзэйдо' харто' е'эмняриндо' ня'ма нидонз' таслабю'.

Салехардхы сянакова' яляхана ёльце тид' нэда вадам' хэтым' намдадамз'. Няхатато' мэбе'мы ненадумдабиць. Тароць ва'лэй' сцена' ня' хаңаць. Няхаромдэй ян' ха'амвэн' квадрокоптерм' ми'наць. Тарця мутратна нэво тандая' тэхэ'на иленаха' нуда' тернэ мипа таслэйдонз'. Нэха' тирць ханта нэамгэм' няд'мяць малкода тыда мание пир'на.

Панаевск' тер Едэйко Сэротэтто' ня'мавэмда ханабаванда малнугана лакри' вахалгяць:

–Тюку яля' пирдыраць тэт-наркаваць, нина' латакуто' ни' моёпа тоенаркавы. Маня' нерня' еремана' е'эмня варева' мэ'наваць. Тикахад теда' тамна нядана' тэтнанарка' тания' – тики' ява' лэтрамбадина'. Пыдо' маня' таңга илевана' няю' ныхымдо' нидо' сый', писавэй-ялясавэй лэты', е'. Ня'мавы нудани терм' нядо' ми'ман', нэдараван' харвав.

Едэйко нюртейнэ тарем' нуданда терм' миць тасладась. Нэни' нида нерня' манзабтась, сава серм' минре табедась. Теда' сита тотрев' нэда' етри' нэдибелыд'. Няданда хонарковани малнугана тарем' лаханась:

–Яна' тер' нини нэдаван' харвадм'. Мято' хэвняна мэна' няхани' нэамгэхэв таром', маси', ха'авраңгудм'. Тоенана серто' мертёвна малеңгу'ма, мякандо' сензэ тутам'. Мань хардахадани мале жока' теневанани', тидями, неками таняна мэ'. Сай-норма жока ненець' илам' маяда. Сава нями няби неками нобтики ява' лэтрамба яңгумаханз'. Хусувэй ненецьанд', хусувэй мяд' теран' тебер' нив'. Нэдьбята хибя ханзер' пир'нада тарем' нэдаңгоя.

Тасу' я' няна Ян Лапсуй лам-битава' пирдырмахана сямянхат мере'мысь, хано санарпавахана

няданда вата нэни' яңговысь. Мэбе'манда няю' нэнда генераторм' ми'мыць. Тикэмда сайнорта' няхата нэдара таславэдась.

Яханана' хуркари' сава' ненець' иле'. Нэамгэри нэамгэхэна нидо' нэдабидо', харто' пыхыдато' ня-римна ни' няркана'. Нэдимдембада' серодо' тидпой' мунзи' минрейдо'. Тарця нина' теневабна' тара'.



Сидяңг' Е. Сэротэтто' нэда ханава'



Сидяңг' А. Чирва' тадтавы

## ОБЪЯВЛЕНИЕ

**СЛУЖБА ПО КОНТРАКТУ В ВС РФ**

ПОЛНАЯ ИНФОРМАЦИЯ ПО ТЕЛЕФОНУ  
8(902)81-6-11-90  
ЗВОНОК ПО РОССИИ БЕСПЛАТНО

**ВРЕМЯ ДЛЯ ВАЖНЫХ РЕШЕНИЙ!**

**КОНТРАКТНАЯ СЛУЖБА**  
**6 200 000 Р**  
ЕДИНОВРЕМЕННАЯ ВЫПЛАТА  
**3 500 000 Р**

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

**ОБУЧЕНИЯ:**

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

3 100 000 Р ЕДИНОВРЕМЕННО ОТ РЕГОНА  
ДО 120 000 Р СЕРТИФИКАТ НА РЕАБИЛИТАЦИЮ

400 000 Р МИНИСТЕРСТВО ОБОРОНЫ  
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

**ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО**

**РЯДОВОЙ** ОТ 210 Т.Р.  
**СЕРЖАНТ** ОТ 232 Т.Р.  
**ПРАПОРЩИК** ОТ 292 Т.Р.

## Нида тидхалемби

Салехардхана нэда колледжхана нэрм' тернацекеы тохолкода жока. Пыдо' таняна пыхыдадо' хуркари' тэнз' манзаи' няю' хамэдамбидо'. Тэравы' манзаидо' тид' торомдамбидо'. Саць сававна тохолко таравахад нэни' тенева'.

Минреванда манзаидо' тамна тид' торомдавандо' е'эмня тохолкулава' яхандо' хуркари юнета' ненець' турцеты'. Нэркамбой' нидо', иламдо' тидхалевы' нидо' табекодамдо' вадецеты'. Тохолкова' серодо' ня'амбада' ерводо' тарця серто' Россияна' «Знание» нубета обществом' няд'мяць нэдимдембидо'. Маня' округханана' харто' минрена проектандо' нюмда «Знание.Карьера».

Тандая' колледжхандо' Ямална' сётэй не тэвормысь. Надежда Евай (Сэротэтто) сётэй манзаям', Российская академия музыки имени Гнесиных нубета яхана ханзер' тохолко'мамда ваде'мысь. Пыда ядро'мита нямна тарем' лаханавысь:

–Си'ми мядоманз' хаңаць. Ямальской многопрофильной колледжхана тохолкоди лаханакэ нэ'надамз'. Хар'н илми ваде'надамз'. Панаевскхана школахана, Москва маркана ханзер' тохолкосадм', хурка тоенана серк' ереберцадм' мал' тензибтейнась. Нэрм' тер нацекеы тидхалембавам' нэнадо сер'нэ таслабыв. Харвабта, хибяжав нэркамбой' нэнда иле'мям' намд'махаданда нерняку нэсь пэңгуданакэда. Тохолко'манда пуд пэванда манзаямда вуни пилот'. Тикахад харе' вадам' нерня' минре, нэни' я' тер' вадам' тохоламба, толаңго таравам' хамэдаңгува. Нэноховавна теневабцо' жокамдамба, едэй ехэрана мэкад серо торомдамба тара'. Хусувэй хибя харта сехэрэмда ханаңгу, нэдьбята нацекехэ' савари вади мэ'надм'. Тэравы манзаямдо' мэнея', сенз' нэя', ялэхэ' маймбая'.

Лахарёмда мале'мяхаданда хыно'мысь. Семён Няруй падвы сём' мэ'мысь. Нобт' тэвава ялядо' нэда ханзоць хэвысь.

## Сайнормы" ненэцие пурҕава"

80  
ПОБЕДА!

**Инзелета"! Сайнормы" ненэцие порта" юнм' нэдарамби". 1941 – 1945 похона сайнормы" солдат" мяд' тер" порҕа". Пыдо' фашистхат ямдо' нэдабавы". Маня" тюку яля' илевана" ед' ям' хэвхалмы". Юрнана" ни" ҕа". Маси" мядотот' тер" нидо' тумдаҕудо'. Тикы' е"эмня тюку вади падыбина".**



Аникей Алексеевич Яр Отечественной войны I степени орденхана 1 –й Прибалтийской фронт' 103-й стрелковой корпус' № 35/н Приказ-

хана 30.08.1944 похона ненадумдавы. Пыда – 270-й стрелковой Демидовской дивизия' 973-й стрелковой полк' нябимдей стрелковой полк' енерта солдат. Маҕгы иры' 28 яля' 1944 похона Промыслово нюдя харад' хэвхана саю мардамбавы". Пыда нись пина нерденаҕэ атакан' пывэда. «За Родину! За Сталина вперед!» төрсавэй" нерня' санавы". Сянхав фашистм' ну"ма' яхандо' маядавыда. Ҧанидо' сеяндо' хэсь пуня' сюрхалмыд". Хунамбавандо' сер' ҕока солдатамдо' ёмы". Яр Аникей тикы яля' 36 немецкой солдатм' хадавы, харта ҕод' ҕобтикы яҕумы.

1944 по' маҕгы" иры' 28 яля' 973 стрелковой полк' саю мардамба Батярщица, Подгай нубета районха' ханавы, Глыбочка' ёльцянд' тэввы" (Белоруссия, Витебской область). Неняҕу" иры' 12 яля' 973 стрелковой полк' Западная Двина нубета яхам' мадавы. Дрисса марадм' нэдавы. (Теда' тикы Верхнедвинск нубета харад, Витебской областьхана ҕа).

973 стрелковой полкхана сидя Советской Союз' Геройха' сайнормэхэ'. Ҧопой яханана"

теневаана ненэця' – Зверев Анатолий Михайлович. Пыда янда тер нянда нерцюна маҕгы" иры' 26 яля' ҕобтикы яҕумы. Яҕгана батальонхана мэвэхэ".

А.А.Яр' нямна падаркана ҕока падвы яҕу: 1922 похона Тазовской районхана соявы. Соя"ма' яда Хальмерьяха ҕэрха. Тэнзунанда - ненэй ненэць. 1943 поход ВЛКСМхана таравы. Комсомольской билетанда номер - №20125122. Красной Армия' солдатҕэ 1941 поход таралмы". Западной фронтхана 25.07.1941 поход 14.08.1943 по' ёльцянд' мэвы. Калининской фронтхана 08.09.1943 поход 23.10.1943 по' ёльцянд' мэвы. Сайнорма' по' нерцюна сенз нэвы. Ямал' няд сайнорманзь ханавэдо'. Пухуцяда таниявы – Романова Евдокия Степановна. Вэсаконда соя"ма' яхана илевы. Яр Аникей яҕума' яляҕэ 05.08.1944 похона падвы падаркана несэй яля пады – 1944 по' неняҕу" иры' 12 яля.

Еркарада, нюмда, ҕани ня"амнанда нэда вада" архив' падаркат падвы".

**Инзелета"! Сайнормы ненэцие порта" юнм' нэдарамби". 1941 – 1945 похона сайнормы" солдат" мяд' тер" порҕа". Пыдо' фашистхат ямдо' нэдабавы". Маня" тюку яля' илевана" ед' ям' хэвхалмы". Юрнана" ни" ҕа". Маси" мядотот' тер" нидо' тумдаҕудо'. Тикы' е"эмня тюку вади падыбина".**



Матрук Худи – сайнормы ненэць, стрелок ефрейтор нэвы. 1943 по' октябрь' 26 яля' 187 стрелковой полк' 72 стрелковой дивизия' командир, подполковник А. Н. Попов «За оборону Ленинграда» медальм' (серия и номер удостоверения В-290-15) ня"анда тавы. Ненадумда"манда падаркана ня"амнанда тамна ҕобкарт вада яҕовы. Матрук (Мотрук) нямна архив" падаркана 1912 (маси" 1913) похона соя"мамда, тэнзунанда – ненэй ненэця' нэвамда таславы". Красной Армиян' Ямальской районхад хэвы. Падна, толаҕо ехэравы. Пухуцяда яҕовы. Небяда Новый-Портхана илевы.

187 стрелковой Ленинградской полк 1945 по' апрель' 26 яля' СССР' Верховной Совет' Президиум' Указ' сер' Александр Невской' орденм' ня"амвы. Тяхасовна сайноро"мамдо', Оппельн' няюна саю мардамбавамдо' ненадумдавы".

Матрук (Мотрук) ханяна сайнормам', сян по" танияна мэвамда, сайнорма по' пуд иле"мямда ехэрава". Тедари' ехэрава".



Сидяҕ Х.Яунгад тадавы

**Инзелета"! Сайнормы ненэцие порта" юнм' нэдарамби". 1941 – 1945 похона сайнормы" солдат" мяд' тер" порҕа". Пыдо' фашистхат ямдо' нэдабавы". Маня" тюку яля' илевана" ед' ям' хэвхалмы". Юрнана" ни" ҕа". Маси" мядотот' тер" нидо' тумдаҕудо'. Тикы' е"эмня тюку вади падыбина".**



Ҧарка сайноромахана Мутото (Мутам, Мутото) Иванович Хунголя (Хунголи, Хунголь, Хунгали, Хунгале) 1 Украинской фронтхана сайнормы. 3 батальон' миномётчикҕэ таравы. Сайнорць мэлванда нюм' тарця: «7 гвардейская стрелковая Фокшанская ордена Суворова 111 гвардейская стрелковая Овручская Краснознамённая орденов Суворова и Богдана Хмельницкого дивизия Центральной группы войск 1 Украинского фронта». 1945 по' июль иры' 19 яля' сайноромита" е"эмня № 21/н Приказхана «За отвагу» медальм' ня"амвы.

М. И. Хунголя (Хунголи, Хунголь, Хунгали, Хунгале) нямна тянём' теневава". 1924 похона Яр-Салыхана соявы. Тэнзунанда – ненэй ненэць. ВЛКСМхана мэвы, колхоз' манзарана нэвы. 1942 поход Красной Армия' солдатҕэ хэвы. 1944 по' июль иры' 10 яля' сибёркавна ядаравы. Сайнорма' нерцюна сенз нэвы, яҕга ненадумда"мида яҕовы". 1942 похона август ирыхына сайнорманзь ханавэдо'. Паднавам', толаҕовам' ехэравы. Ханенаҕэ, ёртяҕэ манзаравы. Нисяда Иван Хунголя Яр-Салыхана илерахавы.

Сводной наградной картотека' сер', «Подвиг народа» ОБД' сайтхана (URL: <http://podvignaroda.ru>) Мутам Иванович Хунгали (Хунголи) «За победу над Германией в Великой Отечественной войне 1941–1945 гг.» медальм' ня"мыбавы.

Архив" падаркана тарця вада" тания": красноармеец Мутото Иванович Хунгале 1943 похона апрель иры' 4 яля' 288 запасной стрелковой полкхад №4510 эшелонхана Калуга станциян' хэвы. Красноармеец Мутото Иванович Хунголя 112 запасной стрелковой полкхад 1944 по' февраль' 14 яля' 13 отдельной рабочий ротан' хэвы. 1945 по' март' 19 яля' красноармеец Мутото Хунголя 112 запасной стрелковой полкан' 38 отдельной савумдана" солдат" батальонхад товы.

Еркарада, нюмда, ҕани ня"амнанда нэда вада" архив' падаркат падвы".

Ханяна сайнормамда, сян по" танияна мэвамда, сайнорма по' пуд иле"мямда ехэрава". Тедари' ехэрава".

# Сямьанхат ва'лөй'



**Хэвы си'ив ныланава' яляхана сидя по' ямбан' җатевы хэбидя ялям' мэ'җаваць. «Сямьанхат меретава» Няръяна маркана җобт' сидна' ма'лась.**

Ты' саполана иры' пудана яляхана яндахат мядоманзь товы' җопой яхана ма'люрҗаць. Нумда савась, хаер' ялян' мал' маямбиць. Няръяна маркана «Сямьанхат мерета» – мэбета' ненэцие' хэбидя яля. Пирдырма' яля самлянзимдей яҗгана мэвна ваерась. Та' ёльцяҗгана ненэцие' нидо' ядабтасеты', җэрм яхана илена' ненэцие' хари' иландо' саирм' манэ'лабтамбасеты'. Тамбир' хэбидя ялям' вы' тер' саць мэнедо', пили' маймбась таяню' турцеты'. Хойхад товы' нина' помнандо' пирдырҗаць, тэхэ'на' җэдалёрҗаць, сөётэй' хыно'җаць, җэрм тэнз' ненэцие' хари' ембдородо' манэ'лабтамбиць. Округна' еркы маркана ты пэрты' манзаи тасламбада', мяд' тер' община', җани' я' тер' ты пэрты' турҗаць. «Сямьанхат мерета» пирдырмам' нэмбавандо' ёльцяҗгана яна' ерв' марцьхы Ирина Гехт тарця' вади хэтась:

– «Сямьанхат мерета» җэрм' тер' ила' саиркад пере. Хусувэй җамгэхэна сидна' нерня' минреванда, җэрм' тер' экономикам'

лэтамбавахана - җарка няд'ма. Хэбидя яля' пирдырмаха'на мал' сава' җэя'!

Тикы' пуд тэхэ'на мэна' ненэцие' нямна лаханась. хой' тер' җамгэ' то'олха няд'мам' җате', серодо' округна' нерм' пэрты' хэтыдонзь. Еся' няд'ма', ты'

Тикы' хавна хасава' хано' тяха' санарҗаць, ярколаць, няхар' мэвна санармаха'на пирдырҗаць.

«Сямьанхат мерета» хэбидя ялям' мэ'манзь товы' хибяри' поҗгана тенева'на' нина' җокаць. Александр, Валентина Ледковха' Красноярхад «Ервха-

онид Лаптандер тось. Пыди' сидяҗэ «Нерута» община' терха'. Аркадий Вылка СПК «Ерв'» ты пэрты' няхаромдэйҗэ җадимась.

– Пирдырмы' нини' – мал' серм' тенева'на' ва'лөй'. Җэдалавани' нерня' нярканадамзь, ихинани' лаханадамзь: «Җоб' нерня'!», «Сава җэванда». Сидя по' ямбан' пирдырман' хамекудамзь, ни-бат' хамеку', җамгэхэртм' нин сояҗгу'. Тюку мэвахана ханзер' харвасадм', тарем' хая! Нумда савась, нертейҗэ тодамзь! Ихинани' таҗгадм', ханядм' маймбю'! – тарця' вади Владимир Талеев хэтась.

Не' поҗгана Анна Вылка Красноярхад, СПК «Ерв'» тер нердесь. Пыда сянакова' яляхана мэсеты, серо тенева'да:

– Җули' нерде' нярканадамзь. Тикахавахад тыни' си'ми няда', мерець миҗаць, недада саць вэва нись җа', ханяҗы яхана мыры' таянць. Тарем', нини' нерде' тэвы-ваць! Теда' хардава' мимбива'. Җадьбята недво'мы' есяна' нядмаҗэ мэтына'!

Тюку по' «Сямьанхат мерета» хэбидя ялява' сававна ваерась, хибяри' ихина пон' җэҗгу'. Сидя по ваерась Җарка яна' еркы маркана җани' җатеҗгува'.

Юлия Талеева' падвы



Сидяҗу': Юлия Талеева' тадгавы'

хадо', «Чумовой капитал» нямна хонаркурҗаць.

Ваеравы хэбидя яляхана мат' юкад вата хибяри' сянакуць. Тодо' община' тер' җадимась. Тэхэ'на мэна', мяд' манзаи пэрты' хибяри' мэць. Хэбидя яляхана хой' тер' нина' нидо' нертемба тэхэ'на җэдалёрҗаць.

на' манзаранаха', Ольга Явтысой хасава нюхуюта ня Нельмин Салыхад товэхэнзь.

Тэхэ'на җэдалёрма сямьанхат җатевэва'. Җэдалёрмаха'на меретаҗэ Владимир Талеев хаясь, тыда ирт' нявотыць, пыда җэдалёрць мел' җэвамда манэ'лабтась. Нябимдейҗэ Ле-

## Илебей' ненэцие' е'эмня

**Хусувэй по' тохолкода' илебей' ненэцие' җокворҗа'. Округна' җэвахана мэна ервана' ватовна колледжхана манзаи тохоламбада' таянбто' тара'. Пыдо' саць мер' тараванда' манзаи тохоламби'. Поҗгадандо' нябиюм' пелядо' мале'мяхадандо' манзаядамдо' хомби'.**

Тикы' сер' җани' похона мирци' тохолкоди җокамдаҗгудо'. Тарця серм' не-надо тасалкова' советхана тидхалевэдо'. Тандая' манзаям' тохоламба пивандахана ханяна тохолковамдо' тэраб'нандо' нензел' җэҗгу'.

Ямална' колледжхана илебей' ненэцие' ханзели' нядабидо'. Җэрм' терха' 2020 поход есям' терта' сертификат мипи'. Җокханда хусувэй по' 75 ненэцие' ед' җадимдембидо'. Выҗгана илени', маҗгабарка ню', евако', варючи', җока нюсавэй мяд' тер' ню' няхар' ю' ёнаркад вата есясавэй сертификатм' няд'мяҗа'. Тикы' есяха'нато' тохолко тараванда җамгэридамдо', имбытадамдо' тэмдаби'.

Ява' лэтрамбади', җока нюсавэй' мяд' тер' ню' тохолковандо' няю' есям' салдамбавы' җэбто', дипломам' ня'ам'махадандо' есьдо' пуны' няндо' татыдо'. Тарця нядаҗгосэйм' нябимдей по' минредо'. Таддикахад сававна тохолкода' Ямална' җэвахана мэна ервана' ватовна ю' ёнарм' ня'марпаҗгу'. Я' тебтм' нэкалпадаҗэ тохолкода' Г.П. Богомяков' ед' җадимдевы сиднет ёнар' есь ня'марпи'. «НОВАТЭЖ» компанияхад сававна тохолкода' ю' ёнар' есям' хомби'.

Тюку поход илебей' ненэцие' экзаменханато' теневабцодо' сававна җадимдебто' юр' ёнар' есям' недвота'. Сиддо' тохоламбавы' җани' таҗокм' ня'маҗгу'.

Тиканда тохолкоди' е'эмня хуркари' нядаҗгосэй сертаби'. Ханяҗы' колледжхана тохолковы' пуна' тамна' тяха' җарка марк' тохолкованзь хан'җа'.

Руфина Окоятто' падвы

## Мер' ламбитормы'

**Нара' ламбитанина' варемдо' мэцеты'. Ямална' ханярина минда пирдырмаха' ханцеты'. Ты саполана иры' юкад вата нюртей яляхат юкад вата матдомдэй яляха'на Губкинский хардан' ядэрмыць. Школахана тохолкода' җацекы' таянна ламбитавыць.**

Тев' ёльцяҗгана җаркамбой' хардаха'на нумда хаер', сырада юванда няю' хамадэй'. Выҗгана җэда' хардаха'на тамна теци. Нюдяко' хардаха'на илена' җацекы' сыра' ямбан' сабе ламбаха'на едейкованзь ни' ханцету'. Ханяҗэхэ'на хадҗэ еремдава, тецяҗгува. Җадьбята нарэйманда серари' тид' едейко пэсетыд'. Тикахад едейкось ядо' җод' сабе сава вуни җэҗгу'. Е'эмняндо' салмравы сырахавадо' таянҗодакы, җопой' җамгэхэрт' танаба', яд' яҗгода'.

Яр-Салая' тер Едэйко Леонидович Сэрпива мале җахакуй' похот җацекы ламбита тохоламби. Хусувэ-хэт тидхалембадида пирдырмаха' ядэлэйда. Тандая' тет 13-14 похона мэна сёбарм' округна' пирдырман' ханабавэсь. Демьян Тибичи, Михаил Салиндер, Дарина Сэрпива, Алексей Суслин ламбитаванзь хан'мы'. Җацекыда мер' сюрмамбавы', мал' нябимдей разрядм' мэвы'. Тяхари' пэрҗара'!

Анна Яптик' падвы



# Хайнолта няма тоңаш

Чуки минта 2025 пома њадка Россия дяханана Год защитника Отечестваң тунды. Шитчет'дю" пуң чена хайнодыш нэхэлмаң дет, њадка дяна падыџотаң тасдамы. Маня" Ямалханана чуки пома «Год героев», округна њадка ведв нупчики таньше тасдаңаташ. Четаң џука тэмс неша", понантуң хайнолды" шел, њадка дяма дэтпи".

Маня" дяхатана џука неша" СВОн (специальный' военный операцин) кадыш". Ѓоптоң Иван Агичев. Четаң Иван Владимирович мат'дю" нуп бригадана морской пехотана на Северный флотхана мэңа. СВОн кадыта вимнанта, мобилизациям шелтамантуң недья манде кадыш. Кынсуманяна 2022 похона Министерство оборонын контракт патңаш. Таньдельшкат хайноды. Шеџв мэмаң дятадамай, чикехена џотнаң хайнолта" нета" нятатаманта мэт њай фронтан кяштомай.

Иван Агичев Талкахат мэна. Хайнодыш каймянта недья таты шичадо" пуң калчотаң мансдаңаш. Хомана мансламанта де'эмня шанат патлота" тады. Хаймыхина СВОхана мэш нупчики хома паталт камашту. Дџдыше шейта хатта, шейта мыдо, чидный нешаң. Хомана хайнодманта де'эмня кулкади" нагретета" тады". Ѓукамэмаң хайнолта" нета", катамантуң тайхана, няташ-томыта. Пытамта ниш'хомата

хайнолды" џятпџета", пенчидта" лукидо" поңкат џука тэмс нешади" нџадымай.

Таньнякуй дядяна" Иван Агичев отпускта мэңаш, мякта тоңаш. Мякнанта мэши понанта тоходкумата школаханта чунидыш. Шитта тохолампыомы" нета" коңа, чуки ноптухуна куше џашки" тоходкомам маньџа. Нета" манџш хомана майдыш. Тоходкумата школанта музейхана СВОхана хайнолды", хайнолта" нета" тат'ма" шату"

Таттама: А. Пяк таттамы"



маньџа. Вачаңата, кукимтуң хайнолды няма џамџхэна комамта, маньмамта.

Талкахай школа-интернатхана тоходкота" џашкиуди" шичитуту тоходампыочи" няш, школантуң музейхана хаймыхит томы нянтуң нянанта канасотат - так-людыш мэта маскировочный' шентми" паңкадыш". Поңкан дяднас пуску" шалашту", тай"ня чикитоң хайму" такдаш мэвват

шентмат паңкадыштутуң. Чики недья Иван нянтуң мамы: хайнолды дяхана талыша поңка" тала". Талыша џамыку" џука тэмс нешам кџкташ дилипчешту".

Талыш џашкиуди" нятакомам манџш Иван хомана майдыш. Пыта няханата" дџдымяшо маңаш: хадям няна хайнолта", дянтуң чел" ня-такош џайтаптамы" џамыку" няампатоң, хомана майпџшту".

Школа -интернатхана мэна" нета" маньманта камна Иван Владимировичнюнта тоходковш школахана канңаш. Ѓадка ню-доом нешамта таньняң каптамыта, тоходкота" џашкяхе" куше џадка дяма дэтпџ хайнодымамтуң вачаманта мэт. Хайнолды не-ньшад ниџа. Четаң СВОхана хайнодыш џука тэмс неша" чок' кошту". Маня" хаймуна" пытатуң ниш'хомата хайноды".

Иван Владимирович Агичев, џай џыди" таньняна мэна" нена", маня" нянана чупей героїџэ тунды". Пытуң пы-татуң ниш'хомата џадка дяма дэтпџтахантуң, четаң маня" шенаши, чокши дилиџама". Хаймыхина мэна" нена" џопшел хома шоньшахана нятапџдьяна", чикехена хома џайты. Четаң џука тэмс неша" хадям няна мэңа". Мед нэхэлтаңа", мед мяктуң, няхатуң, нюхутуң тутџа".

## Выңкна дидини" нятапитуң

Выңкна дидивсохона џука џамыку" тала". Талыш Ямалхана выңкна, петалахана дидина" нешаде" нятапитуң. Нешаңк мичилпџета" џамыку" окружной бюджетхат" мимы вешахана" тэмтапџета".

Ѓџдым'чел" нешади" деттондџота управлениң мансдым миндена Маргарита Масловаң ватахана" каймы похона Пуровский' районхана дџокат ватта чет'дю" мятчел нятаңаш". Чуки похона управленихина мансданна" нупчики нешади" џамыкот тэмтаңаш". Тэмтамайтуң џамыкутоң манде нешаңк" мичилпитуң. Кимя патал заявленим' патса, џамыкотуң ня'амңы". Нешаңк мичилпџчитуң џамыкутоң џопшел шича до" няхал тэмс.

Маня" дяханана чувы дилант џадкамана талана" џа-

мыкуди" тэмташту". Лапка-хана выңкай дилант талана" прашин", тухис", кџд" денял дякошту". Талыша" мым" џопу

лапкан џычимпанантуң - тэмташ мидиџа". Талыш выңкна дидина" нешади", пеншихина мэни" нятапџштутуң.



Сидяңг: А. Пяк таттамы"

Чуки похона петалахана дидина" неша" пон нямадпџчитуң џамыкутоң камна пџй мятуң шелташататуң веша латку", патми" няамны". Чикиџ камна выңкна, петалахана дидина" џашки неша" ненџй мят дет џайта" капитал' ня'машту". Талыш нятакомам нимимты нюнтуң дяляманымахат нямашту". Ненџй мят дет џайта капитал' мидта мат'дџод дџенал вешахат џука. Таньдет нуп мят џамтамаң џок џамыку" тунды" - џу", мымай, прашинай дџея", кџд, пџй латку", шича кан. Чики нупчики талана, хома нятакома шел.

Маня" районханана чет пуң дямпан џука неша" ненџй мят дет џайта капитал' няамңаш". Таньше нятакома Ѓџдым' чел нешади" дилм чуув паделдыш округна џадка ведв шелтамы «дорожная картаң» дет тунды.

# Мэкад варңэ

Невхы иле"мя. Та' мальҕана ненэця" кино", радио", граммофон", җани җамгэ" таниявахат ехэраць. Хэбидя яхана хадаеми варңэ' ханим' вадавысь. Ханяд ховакэда, тикавахад ехэрадь. Варңэ мэкад иле"мяда тания. Сита манэ"манзь ханярид турцеты". Мякнана" мядонда" җока җэсеты".

Варңэко ханяҗэхэна тэняҗы мят' хан"мы. Нё' сихина пыянда мал, пуна җэвакоцяда, тикавахад җарханда җадимда. Тарем' тоб"нанда, мяд' тер" җули" җопой яхана мунзи" хасенаҗу". Тасиримна варңэмдо' маниеҗу". Савовна вэдеро"махаданда мят' нялкадаҗу. җули" мунзи" янамбокоцявна нява" тода я' нимна лехэбтахая, сэдорана не' няю' ядаҗу. Сэдорана не ядконда ядхана җахакуд хамадавы җумбьяда танияҗу. Некоцяҗули" хасена җатенаҗу. Варңэкоця ядко' ёльцянд' тэваҗу. җэвамда ярахая, ня' симда няҗгаркая җумбьям' сарвотада, нянда син' моҗгуда. Пуня' сенаси", нё' си' няю' нялкадаҗу. Пин' тарп"махаданда – хадаени мят' тирць ханда.

Ёльце писькабтавы. Пунахав мяд' тер" писянзь җопой марнадо' җэсеты. Варңэкоцями тэняҗы хадани мяд' ельцянд' пумнанда нёдаҗудо'. Ханавы җумбьямда хадахани митада, пенда' ни' мёҗгуда. Пуна ти' ни' танаҗу, танияд тёрм' җэдабтаҗу: «Кар-кар-кар!» Лаханана' то"олха: «җамгэдамд тэврадь! Тарси" савадм! Кар-кар-кар!».

Тэняд писянзь ненэця" тута", вадетадо', хуркаҗэса, ханзер" лын-



Падтама": Лапсуй Елена' падтавы"



высь. Сюнраха сандякоцям' хэбидя хыдыҗэ мэ"цетыдо'. Хукоцям' ириндо' сяр' лы' хуҗэ ми"җадонзь.

Ириеме поҗгана" ерваҗэ тарась. Та' мальҕана халя' пэрти Антипаютан' җэдабтамба пайдонзь. Мяд' терсавэй" җарка ту җанон', «Калашников»м' нубетан' тисетыд'. җум", лата", ея" җыльняҗы хоркодёхона, ту җано' мюня җэвы". Харто' ерня каютахана мэвы". Хадани вадавы варңэ ервахатата хаёвы, ханяна тирмыкы. Тэняҗы" нито' вадавна, пон' мядэхэна мэвы, вандако' нина порьявы. Ервамда пюрць җарковна тёрымы. Ненэцие" мят' вэдермы. Пунахав ханяна хэвыкы, хось я"мадонзь.

Тарця иле"мява" Порт яхана таясь.

Та' валакада.

Наца Худи' падвы

## Мань хамзанами

Хуркари" поҗгад,  
Сядоти" поҗгад,  
Мань хамзанами,  
Сит ходамзь.  
Саҗо манэ"мэми,  
Сей тэравэми,  
Сит хосая"  
Мань тодамзь.

Тет хабтакоми  
Тыни" пон' сяр",  
Сейхад җэда  
Вадам' җатенадь.  
Мань хамзанами,  
Мань сядотами,  
Пыдар е"эмнянд'  
Мань илеҗадм'.

## Яройко"я

Яройко"я,  
җарка не Ярой.  
Тадэбярка недм',  
ЮдERTAко недм'.

Шаль-җоксями  
Яв' мал хабт  
Тобакута җыл'  
Тапкулвэда.

җамгэ' ёльцяҗгана  
җэвакони нид  
Си"ив хэҗорота  
Сяябтёлвонда.

Яро" хэхэ' хан,  
Си"ив хэхэ' хан  
Мань җэвахани  
Лэтамбариян.

## Хаерад' иня

Хаерад' иня  
Макода' си"ивня  
Ядембада җудам',  
җудам' вёҗгала.

Ядембада җудам',  
җудам' вёҗгала,  
Няби пайдэми  
Пыда салмара.

Няби пайдэми  
Пыда салмара.  
Хувы юркыкана  
Си"ми юркабта.

Хувы юркыкана  
Си"ми юркабта:  
«Сянако нид,  
нид җатена!»

Мерку юркад",  
Нид җатена"  
Хаерад' иня  
Си"ми юркабта.



Н.Салиндер' падвы"

## Ибедорҗада"

1. Сюдбя сёреця' ниня няръяна тохоця хуры. (Хар")
2. Тэта Пуруҗгуй харга җэсыхына иле. (ПижИ)
3. җэдалаҗгун – хыно"лаҗгуд", нултаҗгур - мунзьялмда". (Хаканзед")
4. Ёнар" си" сидьямбой иняд паҗгады". (Поҗга)
5. Няхар" ю" хабей" җобт' җэсовы". (Икпоб")
6. Сидя пухуця нити' җэва' таркад лэбтаҗаха'. (Мяд' макода)

7. Мат" хаби" сюдбя иримдо' наволпи". (Кваб' онофт)
8. Сюдбя вэсако' сю' ваҗгхад халы" пухыбтырҗа". (Мя", пенен")
10. Паридена хасава" тетлад хан' ниня тиби". (Тоба)
11. Сидя неро' варта пуно меҗга җоб" җарсаха". (Саях)
12. Павэнда сивня җоромида җадиберҗа". (Турс)
13. Мунзипой турҗа. (Нема)
14. Нумгана сисавэй илебця' хоба юседа. (Нумги")

15. Ваноси" вадюр"җа. (Няда)
16. Самляҗг пебяс пин' тарпота" җоб" мальцям' серыби". (җоба)
16. Сидя хасава иланди' ямбан' җоб" ирсу" сюрამбихи". (Хаканзед")
17. Тамнёкоко не хоба' вар' тяха' сян' сана"сеты", сана"ванда сер" сидя хоба вар җобт' торасеты. (Ниб)
18. Мят' тюванда җэбат, җоб" мят' тю", пин' хэванда җэбат, җоб" пин' хань", саликами есьмя. (Не' падма)

## Хобцоко" <

## Сие ниць пэй"



Луца яля' падаркана едэй ирым' пява". Маня" сие ниць ирыңэ ваде"чава". Хаерта ҥахана тю"уна хая, яляда ямбума, тець-дада яңгу. Тэри маямбива". Тикы' нямна редакцияна" сава няхад, Раиса Пехедомовна Яптунэхэд мэкад серо намдаваць. Пыдо' яханандо' Ензя' няна сие ниць иры-хына выңгана тарем' иле".

Вы' тер" сие ниць ирыхына ҥамгэ' мянуб-на таңгворҥа", та' ёльцяңгана мале сабе пэрта манзаядо' яңгу. Суютаңго пэвандо' нерцюна хардавна ҥэдалёрҥа", янамбовна ҥаврадамдо' ҥахакуд тэмдаби", нито' мядо"мана ядэрҥа", хэбидя' яхато' ханҥа".

Ялэда навэд ибеворҥа", хаерад' явоход сыра торма, нюлкаңэ ханҥа. Тюку ирыхына ханяңэхэна яхадей" мер' нисерта", ҥадьбята я' мидкана иры тарем' нюмдевы ҥэдакы.

Выңгана нумда нарма мале сэвхана ҥади. Сыранда ний пэвсюмя' няна нян-зикоко салабаңэ хан"ҥа. Нарэй' няна вы' тер" ни-то' мядо"мана ядэрҥа", ҥэвтана" ҥэвта"ма".

Тюку ирыҥ ҥэвахана ҥадимы" варёхо"на ет'

хурид варҥэ" ҥамдорҥа". Ҧадьбята тамна Варҥэ' ирым' нубе"ҥа. Хубтахана ты" хадо" няд варҥэ" тёр" сосеты". Невхы ненэцяңгана варҥэ' тёрм' намдаб", нумда мале ненэйвана нарэйма. Варҥэ" лабтан' ҥамдорпато' – хэм' нара ҥэңгу. Седа' ҥэва' ни' ҥамдорпато' – ямб' нарам' пэрҥа". Сава яля' ерня' варҥэ" мандалҥэ нув' сёрхана тёрсавэй тирпанандо' – тебтад' няна хаерад ялям' ҥатета". Пили" нерде' товы" варҥэ" ненэця' мяд' хэван' сапато', тад' тикад ҥарка"явана сёндо' ҥардан' тёрьпато' – нарма' няна яха' ид' минхандо' хэңгатаңгу", нара мер' мэңгуда, сырада мер' холкаңгу.

Сие ниць ирыхына хабт", хора" ням-дасялворҥа", е"эйдандо' минхандо' моракоця" ҥадиберҥа". Сие ниць ирыхына ялэда ҥаюворп" (ҥай ҥэбта) – та' сарё ҥэңгу. Тад' тикад етри' нянз хад ҥэб"нанда – ҥоб' тарем' сарё там', ямб' нарам' пэрҥа.

Сава хаерад яля' еркана лаكري' пэвдя тир" хаерадм' синдабато' – тад хуняна нумда хадумда. Ябтакако еңглюс" тир" нумгана ҥадимб" – хадда пи' сер' савум-да.

Тарця мэкад ҥавэ Раиса Пехедомовна ваде"ҥась.

Раиса Яптунэ' падвы



Сидяңг": М. Яр' талтавы"


Падтавы" хобцоко" ←



ДА




РЁ



МА

~~М~~



НО



О=А

Х



Хобцо": Татьяна Сэротэтто' сертавы"

Газета  
«Няръяна Нгэрм»

Главный редактор  
Яр Марина  
Тэтакучевна

ГЕНЕРАЛЬНЫЙ ДИРЕКТОР  
АНО «Ямал-Медиа»  
Зулинова Мария Андреевна

№ 14 Подписано в печать 03.04.2025г.  
Вышла в свет 05.04.2025 г.  
По графику: 16.00, фактически: 16.00.

ПОДПИСНЫЕ ИНДЕКСЫ:  
на год – ПА701,  
на полугодие – ПР562.

Учредитель – департамент внутренней политики ЯНАО  
(629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО,  
г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере  
связи, информационных технологий и массовых коммуникаций по Тюменской  
области, ХМАО-Югре и ЯНАО от 19 апреля 2012 года.  
Регистрационный ПИ № ТУ72 – 00559

Тираж 3600 экз.  
Заказ № 0445 (тираж 3600 экз.) отпечатан в АНО «Ямал-Медиа»  
Юридический адрес: 629003, Ямало-Ненецкий автономный округ,  
г. Салехард, мкр. Богдана Кнунянца, д.1, каб. 106

Фактический адрес: 629007, Ямало-Ненецкий автономный округ,  
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,  
г. Салехард, мкр. Богдана Кнунянца,  
д.1, каб. 106  
тел. (349 22) 4-53-32

E-mail: nn@yamal-media.ru